

**ALVER**

KOMMUNE

Miljø og tilsyn

Desirée Wang Delgado
Risasjøvegen 326
5955 LINDÅS

Referanser:
Dykkar:
Vår: 20/8005 - 20/20559

Saksbehandlar:
Astrid Riise
astrid.riise@alver.kommune.no

Dato:
22.04.2020

Registrert feil og manglar i septiktank - gbnr. 123/12

Tiltak: Utbetring septiktank
Byggjestad: Gbnr: 123/12
Tiltakshavar: Desiree Wang Delgado

Alver kommune har den 03.04.2020 motteke melding frå NORVA24 AS om at det ved siste tømning av septiktanken på eigdommen din den 02.04.2020 vart registrert enorme mengder med filler i tanken og at lokket på tanken ikkje er av tilfredsstillande kvalitet. Framandelement i tanken kan føre til at tanken ikkje lar seg tømme. Dersom ein septiktank ikkje vert tømt regelmessig, kan slam og avfallstoffer flyte rett gjennom tanken og forureine nærmiljøet.

Når det er fare for forureining, skal den ansvarlege for forureininga sørge for tiltak for å hindre at forureining skjer. Når forureining har oppstått skal den ansvarlege sørge for å stanse, fjerne eller avgrense forureininga, jf. forurensingslova § 7.

Når lokket over septiktanken ikkje dekker tilfredsstillande, kan det være fare for liv og helse og fare for at dyr kan falle ned i tanken. Etter plan- og bygningslova (pbl.) § 28-6 er det grunneigar som er ansvarleg for sikring av septiktanken.

Tilstandane må utbetrast snarast. Frist for arbeidet vert sett til 22.05.2020.

Dersom vi ikkje får inn skriftleg tilbakemelding om utført arbeid innan fristen, varslar vi samstundes at vi kan pålegga deg å utbetre tilhøve og fastsetje tvangsmulkt med heimel i forurensingslova §§ 7 og 73.

Dersom du meiner at opplysningane våre ikkje er rette, eller at det fins andre grunnar til at du ikkje har plikt til å utbetre tilhøva, ber vi om at du tek kontakt med oss snarast mogleg og seinast innan fristen som er sett for utbetring av tilhøvet.

For å få utbetre eit avløpsanlegg må du kontakte eit godkjent rørleggarføretak. For tiltak som gjeld nytt lokk/lås eller liknande kan du sjølv utføre arbeidet.

Når tilhøva er reparert må du fylla ut vedlagte skjema for utført arbeid og returnere det til kommunen.

Skjema sender du til

- post@alver.kommune.no eller
- Alver kommune, postboks 4, 5906 Frekhaug.

Aktuelt regelverk:

- Plikt til å unngå forureining følgjer av forurensingslova § 7.
- Kommunen kan gje pålegg om retting og fastsetje tvangsmulkt med heimel i forurensingslova kapittel 9.
- Plikt til å sikre basseng og brønn følgjer av pbl. § 28-6.
- Kommunen kan gje pålegg om retting og fastsetje tvangsmulkt med heimel i plan- og bygningslova kapittel 32.

Spørsmål i saka kan rettast til sakshandsamar på telefon 5637 5000 eller på e-post.

Med vennleg helsing
Alver kommune

Astrid Riise
rådgjevar

Dette dokumentet er elektronisk godkjent og har difor ingen signatur.

Vedlegg:

Tilbakemelding om utført arbeid - Alver kommune

Mottakarar:

Desirée Wang Delgado

Risasjøvegen 326

5955

LINDÅS